

四庫全書

史部

欽定四庫全書

史部

硃批諭旨卷十四

臣永瑢恭校

編修臣裴謙覆勘

總校官中書臣朱鈐

校對官庶吉士臣張九鐔

謄錄舉人臣武先振

欽定四庫全書

硃批諭旨卷十四

硃批楊琳奏摺

雍正元年正月十八日兩廣總督

臣楊琳謹

奏為叩謝

天恩事

臣

差齎鹽政摺子并奏銷本章差官回粵知奉

旨傳問正紅旗佐領吳成龍著將

臣

弟男子姪及佐領

所管下人俱撥入正黃旗都統下行走欽此

臣隨率

領闔家男婦大小望

闕叩頭謝

恩訖伏念

臣

本無寸長蒙

聖祖仁皇帝殊恩擢授總督圖報不盡惟臣有委曲下情

未敢徑行陳奏今蒙

皇上聖鑒拔置上三旗是

臣

素日所不敢言者

皇上深知之

臣

夢寐所不敢望者

皇上特全之不特

臣

從此得以保全即子子孫孫亦可

無庸顧慮而闔佐領之官兵壯丁皆受無疆之福

矣臣惟益勉做好官以報

隆恩於萬一為此具摺叩

謝謹

奏

覽爾奏謝知道了凡此皆朕夙昔所洞鑒之情何待奏
陳爾但做好官以報朕可也

雍正元年三月初二日兩廣總督臣楊琳謹

奏為恭繳

硃批事

臣

前差家人齎摺請

安奉到

硃批

臣

敬謹凜遵更加勉力以圖報稱又奉

硃筆諭旨官員內有太監子弟親屬捐納成名無無賴

之徒投入諸王阿哥家中情面囑託濫膺官爵者密

訪叅奏欽此

臣

查廣東廣西內從前未聞有此等官

員惟近據廣西左江鎮總兵馬振圖稟稱二十阿

哥差人持諭賞物并執有合同欠約

臣

現另摺奏

聞一面將人犯解部質審事之虛實雖在未定看來未必無因而至該總兵業已自行舉報未便即行題叅但左江地方關係緊要馬振圖雖到任未久其居官甚屬平常不堪勝任即此事到部亦須馬振圖對質應請

皇上另簡賢能補放

臣

再細加察訪如有前項人員當

即密奏叅革所有

硃批諭旨二件理合恭繳謹

奏

向後遇此等應黜之員即將本省屬員中才守兼優者
密行保薦候朕酌量降旨補用若待朕問爾然後奏覆
往返稽遲時日必至要缺久懸無論文武皆當照此而
行諒爾斷不負朕信用而濫舉匪人也文而兩司武而
總兵副將俱不妨據爾所知密摺奏來倘不得其人亦
將不得人之實情奏聞特諭

雍正元年三月初三日兩廣總督

臣

楊琳謹

奏為備陳鹽務始末情由事兩廣鹽課原額止十九萬餘兩自康熙三十一年設立專差歷年加增至二十九萬餘兩四十六年將御史運司等官陋規銀十六萬兩歸入正項共額課四十五萬五千餘兩然每年所完不過七八分從無十分全完之歲自四十一年起至五十五年共積欠九十一萬餘兩

臣於五十七年五月間接管細查歷年欠課俱

係不能銷鹽之地商人事故更換不一因照衆商
公議於鹽價內攤徵每鹽一包帶完舊欠內一錢
三分按包帶徵每年約計止徵十二萬餘兩必須
七八年方得完九十一萬餘兩之積欠臣酌議分
以五年自五十八年起至六十二年止每年帶完
十八萬二千餘兩除鹽包內帶徵十二萬兩之外
尚不敷銀六萬兩則以難銷之埠融賣於易銷之
埠所得餘利盡抵舊欠具題奉

俞旨准行在案五十八年差常保管理在差一年又欠新
舊課餉十一萬餘兩自請撤回五十九年三月臣
復奉

恩旨接理斟酌立法勸諭各商果有力不能完餉者發鹽
銷抵計接徵五十六七兩年及督徵五十八九六
十年額課歷年全完其舊欠銀兩已共完過七十
五萬餘兩止未完十七萬餘兩現在催徵再發帑
收鹽臣原題動支庫銀六萬兩每年除給發竈丁

及水陸運脚倉廩柵廩巡丁工食并抵補遭風失
水之外尚有羨餘自五十七年起至六十年止每
年羨餘銀四五萬餘兩不等此原非正項臣俱歷
年湊解陝西軍需今六十一年分羨餘約計亦有
五萬餘兩俟彙冊齊日按定確數題報或仍解軍
需或留充兵餉請

旨遵行再鹽差衙門向因陋規歸入正項每年准於正
項內動支二萬兩以作一切養廉等項之用臣經

管以來並未動支俱歸充餉再鹽差衙門從前陋
規雖革不無更名復立臣於初次接管時即痛行
革除惟飭運使照舊例收課每百兩留平頭銀三
兩三錢每年共一萬四千餘兩又收鹽價每百兩
平頭八錢計銀二千兩除充銅觔水腳衙役工食
紙張及起解河工銀兩盤費之外餘給運使養贍
又鹽差衙門有鐵稅陋規銀二千兩臣歷年解赴
內務府作包衣大當差之用此外絲毫不留俱係

節次奏明但兩廣鹽課每年不過完至三十餘萬兩今不特每年四十五萬餘兩之額必設法全完又帶完舊欠十八萬餘兩較之鹽差每年所徵幾多一倍商力實有不支臣既不敢累商又不敢累民惟有經營設法俾舊欠全完新課不誤以仰副皇上委託深恩耳因係臣經營之事合將始末情由備叙奏

聞謹

奏

此事乃朕向日之所悉知仍行照舊辦理毋悞

同日又

奏為據實奏明叩懇

聖恩原宥事

臣

本以微賤蒙

聖祖仁皇帝擢至總兵副都統提督又畀以巡撫總督重

任

臣

非木石敢不竭盡心力潔已奉公以圖報効

惟

臣

從前一種下情業蒙

皇上洞鑒又不敢不備陳

天聽

臣

係在十阿哥屬下自五十四年擢授廣東巡撫

任內即應酬不暇

臣

門下犬馬敢不承受除抑勒

屬官顛倒是非之錢斷不敢取武官並無交接外

爾之

惟文官內有謹慎安分者受累情節向為朕所悉知者所送節禮不得不揀擇

收受

以應王府之用

然盡其所入不足所供

臣

子

楊宴於五十八年除授兵部郎中即拘留差使催

交銀兩派辦草料蓋造花園等差除

臣

任內每年

所有之外并將京中素有之家產盡行折變抑且
負債纍纍此難逃

皇上睿鑒者也今於本年正月奉

聖恩拔入正黃旗從此一家大小得以安舒度日更逢
皇上格外恩施各免派巴顏遂立志澄清勉做好官查
兩廣總督衙門向有廣東布政司平頭銀八千兩
廣潮肇高四大府共幫費七千餘兩糧道鹽道各
幫費一千兩廣西布政司幫費銀一千六百兩桂

梧潯平四大府共幫費銀六千餘兩驛鹽道幫費
銀一千兩以上兩省共銀二萬六千餘兩臣官居
總督一切犒賞養贍勢所必需留此二萬六千兩
之項方足一年支應此外節禮一概禁絕臣因先
已具疏請謁

聖祖仁皇帝梓宮欲到京面

奏今署撫臣年希堯到任傳奉

聖諭臣跪聆之下感激涕零謹將臣從前不得已之苦

情據實奏明伏乞

皇上宥臣已往策臣將來則感戴

高厚益無極矣謹

奏

類此等事朕不欲聞任爾等如何作為朕只責成一好字而已不累屬官不擾百姓分內應得之項取以備犒賞等費之用何妨乎且督撫操一省之權其一切用度非科可限而法可繩也如廣收節禮藉事濫派甚至預

定價值而保題劣員納鄉紳土豪之賄而縱其凌虐小民類斯惡跡屏除淨盡其他則朕可不問也最要者惟當甄別屬員之賢否將貪庸不肖衆惡民怨之守令嚴行叅處數員真實清勤有為有守之良吏越格保題數員即民心悅而

天和應矣設不此之務而斤斤以小廉自矜以為披露誠懇毫無隱諱試思當今皇帝即昔日之雍親王也豈能逃其洞鑒乎今日總須共勉一真字一好字則君臣彼

此受福不可量矣勉之

雍正元年四月初二日兩廣總督

臣楊琳廣州將

軍臣管源忠署廣東巡撫臣年希堯廣東提督臣

馮毅謹

奏為奏

聞事竊查廣東山海交錯民慣為盜上年臘月因奉部
文雲南四川等省新開鼓鑄民間忽造訛言稱康
熙制錢不用臣等即發示遍行曉諭詎肇慶府屬

之開平恩平高明廣州府屬之新會山僻地方訛以傳訛買賣不收康熙字錢窮民持錢不能買米

夥賊

遂有張祖珠張亞長李黑三許三捷李亞同曾文

奏以

播練成爵梁三公等各糾約親族向富戶索助米

飯

不給者強搶阻格者抗拒并誘脅愚民附從隨

大槩

行於本年二月初二日搶掠新會之禮步村初七

日

搶掠瓦窰村十九日

搶掠開平焦園村

兵役追

捕賊徒雖有殺傷未能全獲臣等一面發示曉諭

愚民毋聽奸民哄誘一面公同遣兵擒拏其脅從者悉解散歸農已獲盜首張祖珠許三捷李亞同

三名盜夥三十餘名惟盜首張亞長李黑三曾文播練成爵梁三公五名逃匿深山箐林現在跟踪

獲

搜捕把截要口斷絕米糧非餓斃必擒獲務在盡

此等

除延靖地方臣等伏思廣東民俗蠻野非內地可比若此等盜案必先叅疎防由州縣府司審解巡

撫具題或經部駁覆審每至二三年不結奸民得

緩朝夕之命不知怕懼是以從前

聖祖仁皇帝時臣楊琳曾經

奏明盜案人犯已獲即行外結仰荷

好

俞允今前項盜犯拏獲完日臣等擬即親自會審明白將

若果審係真正嘯聚為盜豈可姑息並應照律正法示

為首糾夥并動手傷人者訊明情實罪當立刻請

懲

出

王命斬首示衆其次隨從者各割斷兩隻懶筋使成殘

疾不能為非再將發落過緣由具摺

奏明庶邊海頑民皆知當極徹惕地方匪類自少矣臣等

蒙

皇上委託封疆重任惟有同心合力整頓料理因地制宜不得不如此懾服為此公同具摺敬請

聖主指示遵行謹

奏

所奏甚是似此當行者一面奏聞一面即可舉行

向來朕知粵東兵馬懦弱不堪大盜竟敢與地方官公

然抗衡武備不强賊何能靖如欲勦盡山賊必以操練兵馬為先粵省此一事最為緊要爾等共膺封疆重寄不可偷安亟宜加意鼓舞振作一番方能改革舊習庶不負朕信用爾等之意亦可自免將來之處分也且朕觀天下督標撫標之兵尤其不堪率皆不以為事彼此怠弛不肯同心合力整頓料理而往往以避嫌藉為口實苟以標下軍卒視為督撫之私兵則與其避嫌何如盡行撤去以省錢糧之為愈也天下有是理乎各省督

撫中用心操練標兵者不過數人而已餘皆相類自茲
各當奮勉惕勵操習以勤賞罰以公何慮營伍之不整
肅耶

同日又

奏為奏

聞事竊查廣東歷年審題盜犯蒙

聖祖仁皇帝好生之德每案止將為首及下手殺人者一
二人正法餘俱減等發往和樸多烏蘭古木地方

安插嗣准部文俟修站完日發遣現在候遣之林
會邦等計共一百二十九名今奉

恩詔普頒應行

赦免業經彙叙各案應免人犯姓名會疏具

題惟是此輩俱係刦財殺人兇惡之徒而廣東邊海

地方民慣為盜誠恐釋放回家仍復糾夥行刦即

再捕治正法而良善已被其害臣等公同商酌已

將現在盜犯一百二十九名各割斷懶筋一隻使

其不能跑走即終身不能為盜既全其生命復制其兇性覺恩法兩盡臣等為弭盜安民起見不得不因地制宜斟酌其間然與

赦款不符理合

奏明伏乞

聖恩寬宥謹

奏

覽爾等此奏朕深嘉之果與民生有益因地制宜於例

款之中斟酌損益只管請旨施行但須一切無隱披露肝膈上下同心合德內外何施不當不特此也即一切水旱豐歉之奏總以據實不欺為期凡係為兆民興利除弊之事爾等其共勉之

雍正元年五月十三日兩廣總督臣楊琳謹

奏為奏報早禾收成米糧價值事竊廣東地方春夏雨水霑足早禾較往年茂盛現在將次收割高低田地俱有十分收成米價廣潮惠三府粗細二種

每石九錢八錢不等肇南韶三府每石八錢七錢
不等高廉雷瓊四府每石七錢六錢五分不等廣
西早禾亦屬茂盛節氣稍遲尚未收割恭逢

皇上御極之初禾穀豐登自屬萬年太平之兆臣曷勝
慶幸為此具摺奏

聞謹

奏

覽收穫米價情形甚慰朕懷但母仍前粉飾以慰悅朕

念至爾所奏兩摺俱甚公當咸與輿論相符朕深為嘉悅年希堯馮毅二人何如爾其據實直陳若少存一毫私意年則堯豈非一榜樣耶

同日又

奏為奏報盜首全獲事竊廣東開平新會兩縣接壤山僻地方有盜首張祖珠等糾夥搶掠村莊臣等公同遣兵擒拏先獲盜首張祖珠許三捷李亞同三名盜夥三十餘名未獲盜首張亞長等五名俟

全獲日會審明白擬將為首及動手傷人者請出
王命斬首示衆其次隨從者割斷兩隻懶筋使成殘疾
業經具摺請

旨今盜首張亞長等五名俱已全獲又獲夥盜七十三
名拒捕殺傷一十五名連前共獲盜首八名盜夥
一百零四名殺傷一十五名奸民震懾地方寧靜
臣等現在公同審理分別等次恭候前摺
御批回日遵行所有盜首全獲緣由謹具摺奏

聞謹

奏

賊盜迅速就擒地方人心為之一暢甚好朕訪詢他處
類此等者咸已淨盡矣勉之爾察兵弁中如有格外出
色用力者或犒賞勉勵或越銜題補抑或奏請議叙以
示鼓舞庶將來遇事人更踴躍樂從其平常盡職者可
以不必倘若借此少有假公濟私之處則反為不美矣
特諭

雍正元年六月十二日兩廣總督臣楊琳署廣東

巡撫

臣

年希堯謹

奏為奏請補授都司遊擊事竊照廣東掌印都司管
理通省屯衛甚屬緊要都司李韻以病乞休業經
具

題查有撫標中軍遊擊陳君榮年力強壯辦事明白
堪以補授其中軍遊擊為撫標兩營領袖查有廣
州左衛守備范宗堯辦事明敏拏賊緝私甚屬勤

勞堪以補授理合會摺

奏請可否出自

聖裁謹

奏

照依楊琳年希堯所請補授該部知道

雍正元年七月初九日兩廣總督臣楊琳署廣東

巡撫臣年希堯廣東提督臣馮毅謹

奏為奏報發落盜犯事臣等拏獲盜首張祖珠等八

名盜夥一百零四名臣等復經奏

聞於本年六月初八日奉到

御批值六月停刑例應七月初八日立秋後處決內除盜首許三捷梁三公二名盜夥陳阿寶等十一名陸續病故外其餘現犯臣等會審明白將盜首張祖珠等六名并下手傷人之潘阿帶黃阿三二名積盜吳隆盛梁阿四梁文彩張長腰袁文瑞李左吾張得勝馮王榮等八名於七月初九日請出

王命押赴市曹正法盜夥文阿盛等八十三名各割斷
懶筋兩隻押回追賊給主將正法割筋等犯現在
刊刻告示遍行曉諭使奸民知有畏懼所有發落
過盜犯名數日期理合

奏報謹

奏

知道了爾等遵旨回奏一摺留覽爾等粵省兵不訓練
營伍廢弛已極接諭惟以皇上明照萬里臣等不勝感

懼二語覆奏於事亦復何益況汝三人非他人可比從此若不改革舊習朕必將汝三人先寘於法然後方及他省廢弛武備之罪較之貪婪之罪更重也廣東之兵縱十分用心訓練恐未必及他省三分功效何況彼此貪圖安逸漫不經心耶豈有將封疆重任寄託爾等一任爾等歌兒舞女賦詩飲酒以快樂之理即爾等於心忍乎既身膺重任勤勞二字斯須不可少離貪圖一刻安逸即荒廢一刻事務公而勤乃居官之根本若不耐

勞瘁至於曠官廢職反不如辭職閒散以圖受用矣極當加勉加慎毋辜負朕恩李英貴佟吉圖皆係榜樣王法無親朕今日此身非當日雍親王可比爾等其互相勸戒勉勵成全朕之顏面如或不遵訓諭致朕一愧一恨則爾等恐領罪不起勉之

兩廣總督

臣楊琳謹

奏為奏請因才補用事竊照

臣

標前營叅將趙武患

病乞休經

臣

具疏

題報員缺應聽部推補但臣標有應援兩省之責必
得歷練勤慎之員方克勝任况廣東匪類素多稽
查督緝實需能員今查有原任廣東開平縣知縣
陳還原係福建臺灣投誠撥入正白旗中文進士
除授開平縣知縣歷俸十四年因丁母憂離任於
風土民情最所熟悉臣素知其曉暢營務兼識海
洋水性若以陳還補授督標前營叅將遇有水陸
盜賊竊發委令帶兵擒捕必能奏功臣亦可收臂

指之效臣仰體

皇上立賢無方因才器使至意用敢冒昧

奏請可否出自

皇上特恩謹

奏

陳還著照楊琳所請補授其王聯候廣西叅將缺出另行補用該部知道

雍正元年七月二十六日兩廣總督

臣楊琳謹

奏為奏

聞事竊廣西提標營伍廢弛臣遠駐東省未能親往簡

閱值奉

旨令簡賢能人員署理提督印務臣素知巡撫孔毓珣

留心公務隨移咨署理一面具疏

題明在案撫臣親詣柳州查點兵馬盡汰老弱募補

精壯修理盔甲軍器肅然一新今蒙

皇上特簡提督臣韓良輔左江鎮臣邊士偉俱將次到

任二臣平日皆係留心營伍之員臣當戮力同心
以仰副

皇上慎重武備至意謹

奏

未奉朕旨之前寧不當慮及耶然粵西遼遠未免鞭長
莫及猶可原恕今止粵東一省之事爾其殫心料理毋
懈郝玉麟係提臣中之優者候伊抵任共將通省兵馬
加意訓練一切器械甲冑整頓齊備緝捕盜賊等務嚴

行申飭爾等務須同心戮力以盡乃職若仍前怠忽莫謂朕之不爾寬容也非極加鼓舞振作一番安望革除舊習慎勿藉諉年齒衰暮精力不足優游頤養自適而廢弛封疆之重務也勉之

謹

奏為敬陳籌海事宜事一察奸之宜加嚴密也從來外洋之匪類即內地之奸徒其始則潛通暗引迨其後遂鴟張而豕突矣臣於數日前接到

家信知本年三月浙江平湖縣之泖湖地方聚
有匪類豎旗狂橫地方官調嘉屬各邑汛兵助
勦遂杳然無踪等語臣思泖湖逼近大海此輩
非直歸於外洋即散伏於腹地日後內外鈎連
伺便竊發深為可慮浙江如此閩粵可知臣愚
仰請

皇上勅下沿海各省督撫凡近海郡邑皆力行保甲
十家牌之法如有面生可疑踪跡叵測之人皆

責成總甲里長不時查報地方官不時訪查究問以絕其源至附近島嶼及內地大山大川之險僻處所皆令添撥汛兵加意巡緝以防其相聚為匪凡出海船隻除商人水手仍令遵照定例開具姓名年貌連環保結赴地方官掛號驗放進口時查對相符者方准停泊此外不許夾帶一人違者從重治罪如有查無保結未經掛號者各海口一概嚴禁不許放行地方官失於

覺察者事發與本人一體從重治罪如此則彼
此之勾引可絕而內外之盜源可清矣一海米
之宜嚴禁也大凡外洋嘯聚必藉內地米糧不
販米出洋之弊朕所素悉此事最關緊要當亟加嚴查
軌之徒貪利忘害代為販運者各省不乏其人
臣請

皇上勅下沿海督撫凡各海口皆令地方官嚴行查
緝除實係商船具結掛號者酌給口糧此外粒
米不許下海地方官查緝不嚴事發將販運者

從重治罪地方官嚴加議處則盜糧絕而嘯聚
難似亦籌海之一要策也一城垣之宜完葺也
凡沿海各郡邑城池堡寨因

本朝昇平日久武備少弛無論堡寨蕩然即城垣
亦多坍塌即以浙西而言海寧海鹽為濱海要
地其城竟可跨越則其餘可知矣萬一有事捍
衛無憑為慮不小伏乞

皇上勅下沿海督撫凡近海州邑城垣坍塌者皆令

設法完葺之說不可為訓朕從不許地方捐助如應修
奏明設法完葺其餘以次漸及則金湯之固可垂
衽竟動用正項但此時國家需用孔繁爾等酌量可緩
者且暫緩之

奏

有人條奏此數事滿保處亦經分發一張爾與滿保密
字酌議可否施行密摺奏聞如應具題即作爾二人意
見具疏題奏若無益於地方可不必行亦密奏以聞無
庸勉強隨順也特諭

同日又

奏為回奏事本年六月初八日奉到

御批籌海事宜條陳一摺著臣與滿保密字商酌而行
欽此遵即密字與閩浙督臣商酌去後臣謹就摺
內三條逐一陳對

一察奸之宜嚴密一條查從前原任福建督臣梁
鼎條奏商漁船隻如出洋者十船編為一甲取具
連環保結一船為匪餘船並坐等因又原任福建
督臣范時崇條奏欲清盜源無過嚴查保甲嗣後

將失察出口為盜沿海州縣等官俱挨次處分等
因又原任鎮海將軍馬三奇題令各省督撫提鎮
嚴飭地方文武官弁於沿海口岸及內地所屬地
方遍行查緝按季出結送部等因奉

旨各通行在案查洋盜向惟廣東福建為多廣東洋盜又
多在潮州惠州二府臣自任巡撫總督於潮惠二
府口岸盤察尤嚴各澳大小船隻俱行編甲五十
六年臣復

題准每年派出總兵副將帶領將弁分路統巡兩班輪流更替又將商船設立聯踪護送之法奸民知貨船難劫無所覬覦福建亦查察甚嚴近來閩粵兩省洋面失事較從前已少至於無海關稅單貨物者不許出入其附近島嶼險僻處所不時遣撥官兵遊巡今惟有嚴飭沿海文武遵照成例實力奉行

一海米之宜嚴禁一條奉有

御批竊查康熙五十六年臣在京

陛見時會同九卿於禁止南洋案內定議一切出洋船隻
按其海道遠近船內人數停泊發貨日期每人每
日准帶食米一升餘米一升以防風信阻滯出口
時文武官逐一驗明放行如有多帶米糧貨賣者
查出將米入官賣米之人處絞文武官隱匿不報
事發從重治罪等因立法已為嚴密臣於回任後
復行令沿海州縣將商船所帶口糧設立用印米

票船戶赴守口營汛驗對符合始許出口其漁船則朝出暮歸每人止許帶米一升半又於潮州緊要海口委員專司查米按季更換今奉

諭旨臣惟有再加申飭實力稽查

一城郭之宜完葺一條奉有

御批竊查近海城垣臣素所留心五十六年臣奉

旨查勘添設沿海礮臺將向設營制未建城垣之前山寨虎門寨達濠營三處各新築城垣一座於修造礮

臺案內彙疏

題報其餘舊有殘缺者倡率陸續修葺不敢動用正
項亦不敢派累百姓力之所能即因時制宜倘果
有工程浩大力所不能者臨時會同撫臣斟酌請
旨遵行以上三條臣接准滿保密字與臣意見相同其
原有定例者實力整頓不致法久廢弛或有因地
因時應行更易者一面酌行一面請

旨總期弭盜安民仰副

皇上綏靖海疆至意是否有當伏乞

聖主指示施行謹

奏

聖祖數十年來所立一切法度紀綱何一事不盡善盡美
皆緣爾等大吏負恩虛誑怠忽從事日甚一日武備吏
治馴至不可問矣朕之諄諄勗勉爾等者正為此日久
廢弛之故耳若欲於

皇考六十年德政之外另有施設不但朕躬不能即求之

往古來今恐亦未必更有奇謀異策也在

皇考當日以為爾等封疆大吏自皆人心人面何忍孤恩而不拳拳遵奉豈知爾等暫時唯諾行一文檄出一告示即謂已盡奉行之職不但日久廢弛即起初亦何曾實力遵奉今朕不過將

皇考所行之政所立之法再宣諭爾等一次爾等若仍似康熙年間之奉行恐朕未必能如

皇考之寬仁容恕也身家性命當再三留心保全要緊朕

在此自晨至暮刻無寧晷辦理萬幾爾等亦何忍優游
逸豫徜徉於衙署耶君臣彼此當不惜氣力振作惕勵
一番必行之三五年之久方可挽回頽俗否則不能望
有功效朕自即位以來殊不見爾有興利除弊之舉自
茲以往若仍然以因循為安靜以隱飾為愛君以納賄
為要務以賣法為巧宦則既負

皇考之恩於前又負朕恩於後一負而再負二罪俱罰恐
爾等噬臍莫及也勉之慎之

雍正元年八月初五日兩廣總督臣楊琳廣東巡

撫臣年希堯謹

奏為奏報事竊照廣東提督馮毅蒙

皇上簡授以來實心辦事本年五月內染患咳嗽病症

未必

馮毅

值來省會審盜犯就醫調治不愈於八月初四日

殊不足為痛惜

在廣州公署病故

臣等親往看視甚為痛惜

伏思

不過

因循自便竊位苟祿之流耳

提督印務關係緊要廣東六鎮總兵內瓊州碣石

左翼三鎮總兵俱未到任右翼潮州高州三鎮總

兵俱奉

旨赴京其副都統蔡瑜現署將軍印務惟副都統吳成
龍職任清閒當將提督印務咨委暫行署理伏乞
皇上速簡賢能補授則海疆實有裨益為此具摺奏
聞謹

奏

知道了已將郝玉麟補授矣洵可謂提臣中之出色者
爾等當和衷辦理一切慎毋似日前因循從事也

雍正元年八月二十三日兩廣總督臣楊琳謹

奏為奏請更替管理鹽務事竊兩廣鹽課積欠九十

一萬餘兩經臣定議分限五年帶完已經完過銀

七十四萬二千餘百兩尚有雍正元年應帶完舊

欠銀一十六萬八千兩亦將次徵收及半務在依

期報竣外查自康熙五十八年起至雍正元年十

二月原題五年帶徵之限已滿現在預行題明請

旨更替但兩廣向無大本商人引繁課重若更易鹽差

一年一換恐舊欠雖完不數年間積欠如故臣駐
劄之肇慶為兩省適中之地所以設立總督衙門
彈壓節制臣因管理鹽務住省時多未免難於兼
顧惟巡撫衙門原駐省城盤鹽收餉可以就近料
理應請自雍正二年起將鹽務交與巡撫年希堯
經管俟章程久定請

旨另設專差庶不致如從前之積累拖欠矣再今年陸
續發出鹽包恐歲內收價不能齊全且未經限滿

之前仍須發帑給養竈丁曬煎鹽包來歲方能陸續運完歸還帑本而各場羨餘亦須運鹽完畢方能徹底清出容臣協同巡撫管理半年撫臣專管新課臣清理帑項舊欠則半年內盡皆清楚矣臣受

恩深重急欲趨覲

天顏叩謝

高厚因經手鹽務未清不敢擅請俟來歲清理半年即

疏請

陛見并求朝夕得在

聖主左右効力稍盡犬馬報

主之誠則不必作此等虛浮無益之談微臣志願足矣為此具摺

奏請謹

奏

朕於管源忠赴粵時曾有諭爾之旨當作何料理方於
事有濟只管議奏粵省鹽務不宜專差御史現將閩省

之鹽俱交與地方官矣爾等但將與國課商民均有益處商酌妥確奏請施行可也特諭

同日又

奏為回奏事臣齋摺人回奉到

硃批諭旨遵查年希堯由同知知府道員兩司歷任外

官民情吏治素所熟練為人誠實和平政事明敏

果能

不情即可矣和雖美德向與常齋相和則謬甚至

於屬

巡撫衙門一應錢穀刑名辦理維勤協和同寅體

恤下屬恭遇

員優者固宜體恤劣者何可恤之有若如爾奏伊

誠感恩奮勉則事業自不可限量但恐未必然耳
皇上聖明在上身受格外擢用之恩知其必能竭力報

効不負委任至於操守現在謹飭廉靜後來或能

否始終如一臣自當據實密

好

奏再廣東學臣編修惠士奇校士公明一文不取臣

已有

旨再留三年矣

初亦未敢盡信今三年已滿現在補考廣額童生亦將完畢則其始終如一可以深信似此清操特

出之員臣何敢匿不

上聞合併

奏明謹

奏

據奏惠士奇操守廉潔知道了才情可宜於吏治否爾
其審視更奏以聞

兩廣總督臣楊琳廣東巡撫臣年希堯謹

奏為奏

聞事竊本年廣東雨水充足早禾收成十分晚禾茂盛
米糧平賤臣等各經

奏報在案茲於七月十七八九等日潮州地方大雨
數日兼江西福建諸山之水驟湧而至堤岸橋梁
及沿河之房屋多有衝壞幸隨即消退又七月二
十七日午刻起颶風大雨一晝夜沿海礮臺內營
房百姓房屋多有吹壞戰船鹽船商漁船隻亦有
被風浪擊損虎門副將劉沛等在洋巡哨幾致危
險幸該副將等熟識水性砍去大桅方得駛入內
澳保全惟大鵬營船一隻從新安縣領載兵丁

月米三百餘石回營在佛堂門遭風飄出外洋尚
無下落現在行文沿海訪查至早禾先已收割晚
禾亦俱無損間或有傷損者亦即補行栽插臣等
現將堤岸橋梁營房戰船協力催修不日可以完
固再沿海鹽場七月內兩次颶風潮湧存場之鹽
多有衝沒亦有運載鹽船於中途被風浪沉失者
現在盡力催收秋冬天色清明自可補足此皆沿
海地方年年常有之事原非災異蒙

皇上念切民瘼事無巨細不敢不以實奏為此具摺奏
聞謹

奏

知道了凡事如此據實不隱方是爾等向日安逸已久
今難辭煩勞矣靜極而動乃理之常不得不勉力者也

同日又

奏為欽奉

上諭事雍正元年八月十六日兵部郎中圖理琛齎捧

上諭到廣_臣等恭迎至署叩首密折恭讀即於本日同
圖理琛并傳集在省司道齊赴布政司衙門公同
開庫將銀箱點明計七百五十箱逐箱先開驗看
隨即公同彈兌自十六日起至十九日四日之內
兌完每日兌完之銀另貯一庫圖理琛標封封鎖
共兌貯庫銀二百二十四萬九千零三十六兩六
錢六分與冊籍查核相符並無缺少內有關稅鹽
餉銀兩比地丁成色微差詢之布政使王朝恩據

稱向來俱係如此俱經圖理琛標封條封貯鎖鑰
交與圖理琛暫收至日逐支放八旗綠旗兵馬糧
餉_臣等現催解鹽課關稅及各州縣地丁錢糧委
糧驛道廖長齡會同布政使王朝恩查收支放其
原盤過庫銀封貯不動恭候

諭旨批回方敢開支兵餉所有公同盤過藩庫錢糧情
由理合具摺回

奏伏乞

聖裁謹

奏

今已奏明仍如常料理可也不必封貯

雍正元年九月十五日兩廣總督臣楊琳謹

奏為凜遵

聖訓勉圖報効事本年九月十四日奉到臣前同撫提

二臣奏報發落盜犯一摺臣恭讀

御批不禁汗流浹背伏念臣蒙

皇上委以封疆重任破格保全若敢偷安圖樂不盡心公務不但

國法難逃即天理亦所不容惟廣東風土柔軟人材單弱誠如

聖諭廣東兵丁加十分訓練未必及他省三分功效臣於所屬將弁時時告誡操練兵馬整頓武備不敢憚勞而智識短淺心力不逮之處臣罪何辭今奉聖訓臣甚愧甚懼現在勤加操練不時考驗如有廢弛

將備立即叅處千把即行咨革務使兵丁練習營伍整肅仰副

皇上誠勉至意所有感懼私衷凜遵奉行緣由理合回奏謹

奏

朕今諄切訓諭不啻至再至三倘仍循故轍陽奉陰違止草草出幾張告條塞責於事毫無益也誠能將地方事務如營謀家計一般時刻孜孜不倦辦去焉有不奏

功效之理限爾等三年後須還朕妥協二字爾目下所
奏何足憑信朕亦難以考較總之務期實心實力奉行
慎勿稍涉浮泛若不過似前所奏康熙某年曾經行過
某年諭過又於某年復經察過日久不無奉行怠忽容
臣等再加嚴飭云云因遂指天劃地發誓自明類此等
支吾故套朕覽之熟矣竟可不試思昔日雍親王即
當今皇帝不以真心實行而接對之可乎三年限屆言
行不符恐追悔莫及也勉之慎之

同日又

奏為恭繳

上諭事本年九月十四日奉

旨為保甲社倉二事除保甲向已舉行現遵

旨分別獎勵教誨嚴拏棍刀民串通兵役貽害平民

務收實效社倉一事現與撫臣商酌勸諭各府州

縣徐徐行之務在不令生事擾民俟有成效另摺

奏

聞又奉

旨為安民之要首在戢盜雖各省皆然而廣東尤為第一要事務在報盜即行查拏隱諱嚴叅治罪禁止捕役窩縱囑扳良民又奉

旨為操練兵馬謹嚴武備公拔把總尤臣總督職分所宜遵將

皇上所訓臣者轉飭鎮協營將大小武弁交相勉勵整頓不負

朝廷泰養弘恩所有奉到

硃筆諭旨三道敬錄省惕一一遵奉理合具摺恭繳謹

奏

類斯利濟民生之事率皆

皇考臨御六十年以來久已諭行之政其奈爾等大吏總
皆視為泛常虛負

聖恩可惜

皇考諄諄誥誥一片苦心此朕數十年之所目擊情形深

惡而痛恨者也今爾等設仍蹈前轍以欺隱為務恐未必能掩蔽朕之耳目也三尺臨身噬臍晚矣思之

雍正元年九月二十四日兩廣總督臣楊琳謹
奏為恭奉

聖訓事本年九月十八日將軍臣管源忠回任傳奉

聖諭練兵緝盜謹嚴汛防諸事臣一一凜遵九月二十

一日潮州鎮臣侯潔到粵又傳

聖諭臣恭聽之下不勝悚惶之至伏念臣奉無一長荷

蒙

皇上姑容優待

訓誨獎勵又慮及臣之子孫拔置上三旗破格保全天地父母之恩無以復加若不留心地方為

朝廷出力即天理所不容廣東盜賊雖不能保其必無然舉發即拏輕則責令本處文武緝捕重則添撥隣兵協擒且懸以重賞無有不就獲者近年原未盡題報在臣愚見謂與其題報審理曠日長久使

得幸生不如審明情實罪當除其首惡治其黨羽
立時完結使為匪者畏懼今惟有仰遵

聖訓應叅處者叅處應發落者發落逐一奏

聞又粵省武備現在竭力整理將

皇上所以訓臣者抄發各鎮將共相戒勉如有廢弛虛
冒即行題叅至於廣東額設戰船俱係足數尚有
額外捐設巡防者有溢無缺但定例戰船有小修
大修拆造之年限係動正項錢糧此外每年遇有

損壞者臣俱不敢動正項錢糧即為捐修補額至
於題留年則堯就近補用此臣一時愚昧無知之
處臣之所仰賴者惟在

皇上矜憐曲宥曷敢稍稍鑽營之念自取罪戾今蒙
聖訓益加凜遵省惕惟有鞠躬盡瘁以圖報答仰賴
皇上開導指示得無貽悞臣之幸也所有奉到

訓旨緣由理合具摺陳明謹

奏

知道了凡百總須實心實行不在口中言語紙上文字
如果實能改弦易轍公正清明勤慎奮勉朕之耳目自
能鑒照勿謂粵東相隔遼遠爾等語默作息朕悉知之
若望朕如

聖祖皇帝從未一日居臣職純然煦育之寬仁斯大謬矣
勉之慎之至爾歷任督撫政聲欲朕通盤概論許一好
字不但不能恐反悞爾自新之路且辜朕容改之恩也
顏子亞聖祇以不貳過見稱可見亦不能無過惟以能

改為貴耳爾等中材質地但能免下愚不移即為可取之人矣爾其勉之

雍正元年十一月十六日廣東總督臣楊琳謹

奏為回奏事本年十月二十九日奉到臣奏學臣惠

士奇清操摺內

硃批遵查惠士奇校士公明臣深知灼見是以敢為奏

聞臣與之共事三年觀其作用惟有衡文乃其所長恐

非吏治之長才也理合陳明謹

奏

如此據實直陳方是知道了

同日又

奏為奏報秋收分數米糧價值事廣東秋禾除雷州府屬之海康遂溪二縣因八月二十三日颶風大作海潮湧漲丈餘東洋塘一帶堤岸衝決田禾淹浸廬舍倒塌臣同撫臣一面

題報一面委員查勘撫恤捐賑計鹹潮傷壞被災十

分田地共八百四十五頃零當即捐建茅屋給與
穀石使小民各得安生其蠲賦賑恤之處現經撫
臣會疏

題報再韶州府屬九十月間畧覺乾旱高田收成止
有七分其餘各府州縣地方秋禾俱屬十分豐收
米價每石粗米七錢細米八錢高州與雷州相連
未遭潮患收成更豐米價五六錢不等理合奏

聞謹

奏

覽奏已悉但不可稍存絲毫隱飾

廣東總督臣楊琳廣東巡撫臣年希堯謹

奏為遵

旨回奏事竊本年九月十八日將軍臣管源忠回粵傳
奉

上諭鹽務歸地方官辦理不用商人銷運可行與否著
該督撫商酌具奏欽此臣楊琳先因更替鹽政具摺

請

旨遵候

批示間於十月二十九日奉到

硃批前管源忠赴粵時曾有諭爾之旨當作何料理方
於事有濟只管議奏粵省鹽務不宜專差御史現將
閩省之鹽俱交與地方官矣爾等但將與國課商民
均有益處商酌妥確奏請施行可也特諭欽此臣等
公同細加商議查廣東鹽法除瓊州一府遍地產

鹽向係就竈丁徵課不設引目外其餘各府產鹽
地方所產之鹽則係於廣東廣西二省江西之南
贛二府福建之汀州一府湖南之嘉桂八州縣共
計一百六十餘處行銷每年課餉通共徵銀五十
萬兩零向來設商行鹽有場商埠商之分場商養
竈收鹽賣於埠商埠商納課買鹽行銷各地前因
場商無力養竈不能收鹽埠商無鹽可運不能完
餉以致積欠九十一萬餘兩自五十六年御史常

保題請發帑收鹽臣楊琳議請網徵舊欠近年課
餉未缺舊欠亦漸次帶完矣再查福建新定鹽法
將鹽院衙門各官及商人盡行裁革鹽課均攤各
場交與州縣官照數收納平買平賣殊覺簡捷但
廣東與福建相較地方遠近課餉多寡大相懸殊
福建除臺灣一府外其行鹽止七府一州地方原
屬無幾且於鹽場相隔不遠課餉僅止九萬餘兩
就場攤徵委員平賣尚屬可行若廣東行鹽一百

六十餘州縣場鹽必由海船運至內河再從水陸分運其間州縣離場地遠者二三百里不等盤費腳價多於正課若着各地方官赴場納課運鹽州縣官不諳鹽務者必委之家人衙役將鹽運至地頭非一任家人衙役設鋪分賣中飽花費即分發里地按戶勒派且州縣官納課運鹽不能自備資本勢必那動地丁錢糧鹽觔之銷售難定州縣官之事故交代不一恐鹽課未必能完而地丁之虧

空日多似未便交與地方官行運如聽一應貿易人等赴場上納課餉任其擇地運銷則易銷之地人爭趨之難銷之地粒鹽不至民食大缺課餉無出而私販任意透越竟難稽查似又未便聽一應貿易人等自行銷賣再兩廣額定引目六十萬餘道內查廣東有二十餘州縣斷難完銷福建汀州八縣止長汀一縣可以兼銷其餘七縣或銷至六七分四五分而止約計每年必有十餘萬道引目

不能銷完即空懸課餉四五萬兩除舊欠九十一萬餘兩已歸細徵引未行銷送部截毀外尚有商人歷年已經完餉而鹽未運銷者共引目八十餘萬道計墊完課銀六十餘萬兩在商人顧其埠業年壓一年尚圖運銷歸本墊完課餉若地方官去留不定貿易人行止自由勢難作通融久長之計查課餉每年五十餘萬所關匪細商人近年課餉全完舊欠賠足尚屬急公今於舊欠將完之際盡

行裁革似覺可憫蒙

上諭將國課商民均有益處商酌妥當奏請施行仰見
皇上天地為心萬物一體至意臣等細加商酌廣東鹽
務課餉不缺全在收鹽充足若聽場商收鹽資本
不繼必難多收應將場商停設仍發帑委官監收
埠商仍留聽其完課運鹽內有課餉難完無人充
商之地則著落地方官領鹽運銷解價完課更有
引多壅積地方有可以代銷者聽其呈明代銷則

國課不缺商民咸獲便利矣再發帑收鹽臣於康熙五十七年原題動支帑銀六萬兩每歲除支發竈戶巡丁工食船車水脚房厰器具代完場課賠補遭風失水之外計有羨餘五萬餘兩歷年充解軍需撥餉在案今臣等逐款再加斟酌內將給發竈丁船戶車運水脚等項按定輕重每包酌量加增自數毫數釐至一分不等以恤窮民其賣與埠商每包亦按原定價值輕重每包量加一二三分

不等此所加銀兩除加給竈丁船戶之外較從前
可多得羨餘二萬兩每年總可得羨餘七萬餘兩
不入正項之內或解京或就地撥餉臨時請

旨任竈丁船戶等窮民每包多得數釐無不踴躍在商
人有鹽配運即每包加增二三分亦所樂從此臣
等就廣東地勢情形而言各省鹽法不得而知除
將發帑收鹽商民有益之處會疏具

題外巡鹽御史既奉

旨不設自應歸督撫管理臣等公同酌議臣年希堯有
刑名錢穀事務並管粵海太平兩關恐難以兼理
鹽務臣楊琳有地方兵馬責任今廣西既已分轄
鹽政上關

國課暫當勉力并辦聽候

聖裁臣等愚昧無知是否有當惟候

聖主指示遵行謹

奏

此奏甚屬妥協已發部議矣

雍正元年十二月初六日廣東總督臣楊琳謹

奏為奏報解部銀兩日期事竊廣東鹽課前奉部撥
福建廣東雍正元年兵餉銀九十二萬兩已經解
足於本年十一月二十三日又准戶部咨將康熙
六十年奏銷實存鹽課銀三十二萬二千九百兩
解部等因臣隨委員於封印前領解起程再廣東
鹽課銀兩向來不能足色兼係零星小錠臣飭運

使悉傾化足色元寶再解京錢糧例得支銷水腳
銀兩臣亦不敢動用合併

奏明謹

奏

知道了今日之戶部風清弊絕設猶不信姑營謀作用
一試之

同日又

奏為恭繳

硃批奏摺事本年十一月二十四日奉到

硃批臣奏摺二件臣跪讀之下不禁感懼交集竊念外省大吏從前奉行事件原多草率塞責臣復何敢隱飾自

皇上御極以來

聖明遠照萬里

嚴訓時頒臣戰兢惕勵刻刻在心力之所能整頓者無不勉力整頓實不敢仍蹈前轍今奉

訓旨惟有益加勤慎以期報答


聖恩耳所有原奉

硃批理合恭繳謹

奏

既自知當日奉行不力之愆何得前摺又有牽先扯後之奏身家性命四字保全破敗皆在爾等自為之也朕於其中並無成見廣撫之任甚屬緊要朕看年希堯童心猶未退一切事糊塗而又尚氣任性爾其據實奏聞

毋存一毫情面代伊受過如於地方無所濟益朕另有
賢員更換似此孤恩無用之物何可姑容之耶



硃批諭旨卷十四

欽定四庫全書

史部

殊批諭旨卷十五

臣永瑢恭校

編修臣裴謙覆勘

總校官中書臣朱鈐

校對官庶吉士臣張九鐔

謄錄監生臣李敦源

欽定四庫全書

硃批諭旨卷十五

硃批裴率度奏摺

雍正元年四月二十一日江西巡撫臣裴率度謹

奏為奏

聞事竊臣一介庸愚荷蒙

聖恩補授江西巡撫於雍正元年三月初一日自貴州

起程於二十九日抵省任事恭疏

題報在案茲據布按兩司詳據袁州府轉據萬載縣
詳報三月十八日有興國縣人許賢章傳布謠言
糾衆放搶當據伊婿羅老滿等拏首到縣訊供招
出匪黨王老二溫上貴等又據詳報續經拏獲探
信賊犯楊龍友溫先榮等情臣一面檄司會同南
昌鎮飛飭該府營縣督率兵役嚴加搜捕務盡根
株一面給示委員撫綏安戢去後今據布按兩司
詳據萬載縣詳稱溫上貴等已經拏獲訊據各犯

供稱溫上貴為首係福建人賣烟虧本起意糾約
許賢章等希圖搶穀因賢章轉糾走風伊婿首獲
首犯現已就擒餘黨解散等情到司轉詳到臣伏
查此輩姦民係閩廣等處向來附居江西荒山搭
棚墾種菸烟名為棚民良匪雜處今據報雖已被
獲誠恐根株未淨貽害地方除嚴飭文武官弁再
加巡查嚴謹防範務期寧謐外所有姦民謠言放
搶及被拏獲各情由理合奏

聞謹

奏

知道了此事查弼納兩次摺奏甚詳朕已明白批諭矣
爾與伊斟酌料理可也

雍正元年六月二十日江西巡撫臣裴率度謹
奏為奏

聞事竊照江西省自春徂夏雨水調勻今值早稻收成
之候臣據布政使查報南昌瑞州袁州臨江吉安

撫州等六府屬約收八九分及十分不等建昌廣
信饒州南康九江南安贛州等七府屬約收七八
九分不等米價每石自六錢二三分至七錢八九
分不等再南昌府佈種

御稻二十五畝收早穀八十餘石相應

奏報至江西各屬種麥稀少竟有全不種麥之處查
收成約六七分至八九分不等自交六月未經得
雨現在虔禱合併

奏明伏乞

皇上睿鑒謹

奏

覽奏深為慰悅江右地方仰賴

上蒼垂佑料此摺起身後旋見甘霖普霈也

一江西自白潢為巡撫之後諸事俱有條理雖
以王企靖之昏庸不能盡壞其法惟驛站廢弛
馬匹疲瘦不堪甚至山僻地方有驛而無馬伏

懇

嚴飭驛道等官盡心整理如仍前廢弛經朕訪聞決不
皇上敕諭巡撫驛道加意振理其所關係亦不小也
輕恕

如果官聲

一吉安府知府王若鰲係王網明之姪與原任

屬正理

巡撫王企靖聯宗叔姪倚勢貪橫賊私鉅萬伏

懇

準但王

網明等之子姪諒來未必能為良吏爾惟據實

皇上問之

新任巡撫明正其罪庶江右地方各官知

無私庶

乎不謬

所儆懼矣

李蓮如

果居官好當題陞以鼓舞人才
一南昌縣知縣李蓮居官勤慎士民感戴原任

巡撫白潢知之最詳伏懇

皇上特加獎用以風吏治

遣往祭岳官員回京復命奏此三事今密發於爾其一
一盡心料理驛站馬匹大有干係毋得忽畧至撫標兵
丁操練亦甚屬緊要恐爾文臣不以武備為重務則有
忝厥職矣天下督撫標兵俱當以孔毓珣為法也

雍正元年九月初一日江西巡撫臣裴率度謹
奏為遵

旨具覆事竊臣標把總齋摺回省臣跪讀

悚懼即不是矣內外原屬一體君臣互相勸勉凡有聞

御批不勝悚惕仰見

見彼此無隱方與國計民生俱有裨益也母徒然於朕
聖明光照無微不燭驛站營弁均關緊要黜陟賢否尤
之批諭上拘泥若可以對越

天

地神明者但自致心有何可懼處明歲爾來見朕後自

然了

悉惟當用心放膽料理地方
擾苛索容臣據實糾叅所轄營弁不時校閱嚴行

約束務在寧謐地方訓練兵卒一面遣人徃廣西

撫臣各營密訪操演臣做照而行至於薦劾更不

敢不慎如吉安府知府王若鏊居官平常聲名鄙
穢原欲叅處因所屬縣內歷年虧空正在嚴飭著
落彌補完後仍按款糾叅蒙

皇上洞見至隱不敢久遲遵即叅處追賠至南昌縣李

原係偶爾風聞既無出衆處不薦甚是如此據實直陳

蓮僅堪供職未見出衆不敢冒昧薦舉謹據實

方不負朕之信任也勉之

奏明再查江省各屬循良特出者少勉強供職者多

臣朝夕訓誡果有實心辦事才守兼優者容臣薦
舉或專有所長亦不敢掩飾當各據實摺

奏以仰副

皇上鼓舞人才之盛心也為此謹

奏

知道了

同日又

奏為敬陳湖口設關之險仍請移回九江并分立口
岸保商裕課事竊查湖口地方江湖合衝水本溜
急商船常遭覆溺臣到任後據商衆環轅哀籲懇

將湖口關移設九江以保全商命等情紛紛前來
伏念錢糧關係恐有缺額復博採輿論審察地形
僉稱離湖口四十里有大姑塘為江西商艘必經
之地若設口分抽則公私兩便臣再四思維

國課民命均關重大隨行布政司悉心確議又檄委
饒九南道勘驗去後茲據勘得九江舊關上有龍
開河官牌夾下有老鸛塘白水港等處地勢寬平
泊船安穩又勘大姑塘水漲則有女兒港張家套

等處停泊水涸則平湖一綫夾岸泥沙俱無風波
峭石之險果如商衆所請移關九江再於大姑塘
設口分抽則關稅不致缺額而商船亦復安穩裕
課恤商誠為兩便等語臣不敢壅於上

聞為此繕摺伏懇

皇上宸衷獨斷

特頒恩旨將湖關移歸九江於大姑塘設立口岸徵收
往來船稅雖分兩處其實一關如此則稅課無虧

商旅安恬矣謹此

奏

聞伏乞

睿鑒謹

奏

此議甚好爾會同督臣查弼納將朕批諭爾等之旨入
本具奏一面即料理妥當移關可也

雍正元年九月二十六日江西巡撫臣裴率度謹

奏為奏

聞事竊照江西省晚稻收成及現今米價行據布政使
回報南昌南康九江三府屬約有六七分不等瑞
州袁州撫州建昌饒州南安廣信七府屬約有八
九分不等臨江吉安贛州三府屬約有七八分不
等米價每石自八錢七八分至九錢不等所有江
西晚收分數及現今市賣米價相應

奏報再南昌府本年佈種

御稻田二十五畝晚收得穀五十石合併

奏明臣查通省自八月以來雨澤不能周遍南昌南
康九江三府屬入秋雨少是以晚收稍歉至臨江
吉安贛州三府屬雨水調勻因七月蛟水陡發微
有傷損雖不成災未免畧減分數理合據實聲明
謹

奏

知道了一切惟宜據實無隱

雍正元年十月十三日江西巡撫臣裴率度謹

奏本年十月初六日據寧州知州稟稱准銅鼓營守
備移會內稱九月二十七日民間謠言瀏陽縣界
內石姑山有賊人從血樹坳入州境排埠欲於銅
鼓地方搶掠未知虛實等語該州隨諭棚長李上
正督率各都練長前往防守忽於三十日一更時
分瀏邑界上豎旗殺死排埠塘兵二名及至二更
時分李上正及伊二子俱遇賊被殺等情臣即與

南昌鎮臣在省司道會商鎮標撥兵二百名前往
銅鼓防護并飛檄該州營加緊防禦相機擒捕又
差臣標千總星夜前往探聽去後續據該州通詳
查明三十日被殺塘兵羅成虎李廷松二名是晚
獲賊一名搜出書信紅綑布鷄鞋乾糧五更搜山
有遺棄刀鎗等件獲賊當被叢打身死又據臣標
千總探聽回報探得初六日有賊邱良生鄒奇富
混入營內當被拏獲是夜該營統領兵丁搜巡南

坑礫拏獲賊犯邱君祥等九名解州審訊餘黨仍
潛入石姑山等情又據臣衙門差役回報於初八
日續拏賊犯吳日正等三名一并飭州確審去後
臣伏思此等匪類藏匿深山棚民雜處不得不嚴
加搜捕但統衆進剿又恐奸良難辨臣與鎮臣司
道再三商議俟該州審明現獲各犯如同夥無多
即究擬完結就中或有仇扳并予摘釋倘夥黨衆
多屯聚有據臣即會商督臣進剿現在酌撥瀏邑

連界文武各官晝夜巡查一面擒捕一面曉諭務期地方寧謐不致滋擾為此先行奏

聞伏乞

皇上睿鑒謹

奏

此等匪類自不容姑息亦不宜急迫若涉因循恐漸致滋蔓若不辨姦良又恐驚衆反為匪類添助羽翼總須整理營伍訓飭吏治果兵將強勇官吏廉明百姓胥畏

威懷德此一二匪類何難消弭全在爾等封疆大吏相機而行實心任事也與督臣查弼納商酌妥協而為之原曾諭爾明春前來陞見朕雖未見爾面信爾之心與見面一般今地方上既有此等小事不必拘定明春來京見朕須度量可來之時亦必先行奏請候旨到日然後再來慎毋一面具奏一面前來也特諭

雍正元年十二月十二日江西巡撫臣裴率度謹奏採買米石一事臣接准部文奉

旨停止臣欽遵移知科臣繆沅即日回省隨准移稱共
發價各府買過六萬一千石未經買齊之米仍行
繳價司庫等因臣即檄飭布政司糧道確查各府
分買實在數目已起運者收在省倉未起運者仍
留本處俱飭加謹存貯候

旨遵行俟該司等查明造冊到日具

題外再科臣繆沅奉差謹飭不擾安靜明白合併陳
明為此謹

奏

知道了諒其辦事必好繆沅人原去得係朕揀選而用者但稍近迂濶且欠純粹非可大用之才也

同日又

奏竊臣標千總齎摺回省伏讀

硃批我

皇上淵衷睿算洞鑒機宜臣仰體

聖明綏靖地方矜全民命至意一面擒捕一面曉諭茲

據寧州知州報稱審訊獲犯供出醫生劉允公勾引匪黨揚旗散劄無非虛張聲勢恐嚇鄉愚希圖索詐銀米非有別情所有脅從各犯皆自首繳劄哀求開釋現在地方寧靜又據該州稟報獲犯一名白大生供出醫生劉允公現在祥雲菴麻洞地方并羽黨龔奇坤等八人隨即緝拏龔奇坤等七人到案僉供白大生屢次行竊文案可查所供毫果係仇攀免其治罪則可此八人何處不可以安生慎無證據盡屬仇攀等情又據鎮標遊擊稟稱千總

母仍令住居麻洞地方凡如斯者皆當照此辦理使移
往稍遠之州縣居住為是雲菴麻洞等處並無匪黨巢

穴餘犯踪跡附近邨社人等情愿具結等因各到

臣仍嚴檄各營汎州縣四路搜捕務獲起釁劉

允公并飭將現在各犯確審其仇攀自首之犯暫

棚民行事必使潔清方好萬萬不可止於如此
行保候外臣查江省流匪倏聚倏散閩廣之人棚

居雜處奸良莫辨向亦時有竊發隨犯隨處皆未

奏

勿謂何害其禍將大小事亦朕當留心處也爾等膺封
聞臣愚昧不敢隱匿據實奏

疆重任亦當時刻懷如此念何愁天下不永永太平耶
知其實此等小事無煩仰屋
類此等事一毫不不可隱諱必皆奏聞方是
聖懷至臣沐

恩深重未獲仰覲

天顏孺慕之忱寤寐難安且江省事宜不能盡繕摺內
伏懇

皇上准臣仍於二月初間星馳入京跪聆

聖訓不特於地方有益而微臣戀

主之私亦得少慰矣臣不勝惶悚待

命之至謹

奏

目今暫且不必至秋冬之際再行奏請朕意大約定於
明春著爾來京

同日又

奏為恭謝

天恩事竊臣標把總齋摺回省捧到

皇上賜臣克食果品又

賜奏匣鎖鑰臣出郊跪迎至署恭設香案望

闕叩頭謝

恩訖伏讀

硃批摺外奉有

諭旨二道飭行社倉保甲嚴禁供應餽送仰見

宸衷軫念地方興利除弊剴切周詳良法美意至明至

當臣惟有悉心仰體恪遵奉行要在因地制宜順

情立法先擇府州縣賢而諳練者數員酌

此論甚是量繁簡

徐徐

行之不可急迫

從容設施行之有驗則處處可以效法通行矣至

供應餽送等費今奉

旨嚴革則州縣之糜費可以盡絕江省之虧空不難永

朕深為嘉悅

杜矣再臣衙門向有鹽道鹽規一萬兩循例解部
糧道漕規四千兩布政司平規八千兩未經

奏明絲毫不敢擅動雖臣家口不多日用無幾但巡
撫衙門不無所費仰懇

聖恩或將布政司平規賞給一半資臣薪水之需餘俱

留充公用瑣屑私情不當冒瀆

聖聰臣自揣愚昧

君父之前不敢不據實直陳伏請

訓旨遵行為此恭謝

天恩謹

奏

爾等封疆大吏賞勞將弁公用捐項所需甚繁一塵不染潔已固善恐無以為獎勸鼓舞之資亦與地方上營

伍吏治無益此在爾等揆之本心取所當取用所當用耳朕自然照鑒斷不因此而有所嗔責若欲朕指出某一項當取則不可一者朕不洞悉外省情形二者於大體不便爾等於情通理順之舉但放膽做去總還朕一是字來不論如何若何皆可巡撫之任較之藩司不同若一介不取與恐難以料理地方也爾毋錯會朕意應行者行不必疑畏

雍正二年三月二十八日江西巡撫臣裴率度謹

奏江西省本年正月少雨二月中旬至今各郡雨澤
頻沛二麥秀實新秧滋發栽插及時早禾可望豐
收米價亦平仍照上冬每石八錢三四分不等小
民安業共樂豐登理合具摺奏

聞謹

奏

覽奏深慰朕懷近京數省雨澤亦甚調勻特令爾知

同日又

奏湖口關稅務奉

旨交臣衙門兼理茲本年二月十六日一年期滿據委
員南康知府張景良共抽稅銀除正額銀兩照數
按季解交戶部外所得贏餘銀五萬二千六百四
十六兩零蓋因江楚歲稔商船輻輳之所致也現
繕具批文起解戶部交送

內庫為此奏

聞臣更有請者湖關移回九江權務一新臣每念額稅

四季解部向委吏胥管押往返多費濫冒難稽臣
愚請嗣後將李稅俟一年期滿委員彙解不惟節

省靡費亦以鄭重錢糧如蒙

知道了具本題奏

俞允容臣另疏題請伏乞

皇上睿鑒批示遵行謹

奏

今歲贏餘因爾等清釐所致數覺過多倘額外剝削商
民則斷然不可關稅繫於年歲之豐歉難可預定總在

爾等據實奏報朕自能照察或偶遇不及之年不可勉強必求足數此項原係贏餘只須任事者本心無欺而已不然是又增出一番稅額矣假若監稅者借此更取已之餘利此則尤其不可者當再四嚴加訪查毋致苦累商民朕在此正欲頒發稅關訓諭到時飭令實心遵奉而行可也

同日又

奏為奏明事竊查江省棚民由來已久臣上年到任

值溫上貴一案即嚴飭闔省文武各官稽察保甲
整飭營伍并檄司通行查議正在繕摺具

奏隨准督臣查弼納奉

旨頒發條議移咨到臣又雍正元年十二月內接到大
學士臣白潢抄摺奉

旨交臣奉行又雍正二年二月內復准部咨內開戶部
尚書張廷玉條奏奉

旨發江西浙江督撫詳議具奏欽此欽遵俱經檄飭兩

司查議在案查諸臣條議編甲之法大概相同但編甲之中不無變通臣身任地方細訪情形各有不同有入籍年久現在納糧當差者有入籍未久去留無定者有遠在山菁星散各居者有土民僱其傭工地主招其墾田者有山主利其力作曲為隱庇者或種靛麻或種茶烟或佃耕做紙統名之曰棚民要在因地制宜順情立法地方官得人方能有益臣於該州縣謁見時莫不諄切誠諭令其

實力奉行至一切應行事宜俟查議到日臣會同
督臣悉心公議具

題外合將現在查編保甲緣由先行

奏明謹

奏

將諸臣條奏發來之意原為爾等地方大吏洞悉利弊
故令爾等詳議也務須細加訪察必透徹事之終始情
節再加以詳慎籌畫方於事有益不可以一二屬員之

語為憑忽於整理而貽害於後日也

雍正二年六月二十四日江西巡撫臣裴率度謹
奏雍正二年六月二十日署南昌鎮臣陳王章抵江
西省城臣率同文武各官出郊跪請

聖安陳王章口傳

諭旨教訓諄諄切中臣病跪聆之下汗顏無地伏思棚
民一事臣因屢奉

諭旨愈求詳慎惟恐地方官編查不力疊次告誡已經

徹底查明除九江南康撫州建昌四府無棚民外
九府共計一萬五千餘戶俱逐一分析編甲造冊
料理齊備地方寧謐至應調之缺堪調之員亦詳
加酌擬但應督臣主稿候其到南昌盤庫當面公
驗即日會

題臣不能仰體

天心早為

題覆致厪

聖懷臣罪何辭至地方一切要務臣竭力辦理晝夜不遑今祇凜

嚴訓惟有痛自改悔益竭駑駘期免隕越謹此
奏

聞臣不勝悚惕惶恐之至謹

奏

爾為撫臣中之優者再加剛方自持俾屬員知所警畏
則十全矣

同日又

奏為奏

聞事竊江西省本年自春徂夏雨水調勻今值早稻收成之候行據布政司查報南昌瑞州臨江吉安等四府屬約收八九分不等袁州撫州建昌廣信饒州南康九江南安贛州等九府屬約收七八九分不等米價每石自八錢二三分至八錢八九分不等通省合算實有八分收成再南昌府本年佈種

御稻二十畝得早穀五十一石五斗所有江西早收分數及現今市賣米價相應

奏報至江西各屬所種二麥僅十分之二三查收成約有七八分不等再現在晚禾亦俱茂盛交六月後南昌南康九江三府雨少目下齋戒祈求早晚得雨可望有收合併聲明謹

奏

知道了江省有爾如此好撫臣治理地方諒

上蒼自必賜以嘉應也此摺來後即得甘霖亦未可定

同日又

奏竊查寧州流匪一案經臣兩次摺奏并遵例題叅
疎防文武職名在案茲六月初一日續據寧州報
稱於上猶縣地方拏獲要犯黃本習到案隨解司
審訊供出首犯劉允公自稱元帥叫黃本習做都
督同夥鄒文詔王阿滿等共十八人在本習家會
齊往銅鼓營搶掠路遇李上正父子本習即與鄒

文詔等一同下手殺死又撞見塘兵恐其報信王
阿滿趕上殺死是實聞官兵追捕分頭逃散等語
據此黃本習實係此案殺人要犯同夥姓名現供
確鑿查現在已獲正犯五名除四路密差嚴緝劉
允公并夥犯務獲外合將現獲要犯黃本習供情
先行據實奏

聞謹

奏

知道了其餘未獲各犯嚴行設法緝拏務期擒獲

同日又

奏竊臣標把總齎摺回省伏讀

硃批湖關贏餘恐有苛索

諭臣隨時收解仰見

聖明恤商至意臣欽遵辦理絲毫不敢累商六月初五

日恭接

上諭一道臣欽遵祇領分行九江贛州兩關宣揚

聖德務使商民共曉并嚴飭該管官務期悉心仰體實力奉行再查移關九江及大姑塘口岸後商船安穩並無損壞皆出

皇上生全大德惟大姑塘現在水長左有女兒港右有蝦蟇港船泊港內甚是平穩但入冬水落恐大船不能進港當再稍為疏濬便可停泊為此一併奏

聞謹

奏

嚴行約束該管各員至為緊要聞得各關交與地方官
管理以來商民頗有不便之論此或係部院各屬所造
之言亦未可定但據理而論欽差苛刻尚有地方官可
以挾制若地方官過刻則商民無處告苦全在爾等督
撫大吏善於識人選委且不時留心訪察也

雍正二年六月二十九日江西巡撫臣裴率度謹

奏竊臣查布政使石成歲居官為人俱好錢糧謹慎

此人甚屬可惜

實心効力不意六月間偶染暑痢數日身故經臣

題報在案臣於是夜聞報即率同司道等親自到庫
驗看封鎖次日盤查各項俱各清楚並無虧缺再
查布政使為通省屬員領袖錢糧總匯最關緊要
我

皇上知人善任臣何敢冒昧瀆奏但臣受

恩深重知而不言負罪實多臣伏查如本省按察使陳

安策居心為人好現在委署布政司印務江蘇按
察使張楷練達持重前任江西饒九南道時臣深
不約而同亦可謂奇如此方見君臣同心一德也此人

原好

朕甚嘉此一奏

知其為人此二員均堪選擢倘蒙

皇上簡拔一員就近陞補早有專司則地方風土熟悉
於錢糧大有裨益矣伏乞

皇上睿裁謹

奏

知道了

諭江西巡撫裴率度地丁錢糧百姓自行投納此定例
也聞江西省用里民催收每里十甲輪遞值年名之曰

里長催頭小民承役既不免奸吏之需索而經年奔走
必致曠失農業擾民無甚於此者即應查明通行裁革
若慮裁革里長輸納不前亦當另設催比之法或止令
十甲輪值催趲花戶自行赴官投納不得干累輪催之
人務須斟酌盡善永除民累毋負朕惠愛元元之意

再諭巡撫裴率度朕惟除莠所以安良黜邪乃以崇正
自古為國家者綏戢人心整齊風俗未有不以詰姦為
首務者也聞爾江西地方頗有邪教大抵妄立名號誑

誘愚民或巧作幻術夜聚曉散此等之人黨類繁多踪跡詭秘苟不絕其根株必致蔓延日甚地方各官倘務姑息不行訪拏是養姦也澄清風俗之謂何爾等督撫亟當嚴飭各屬密訪為首之人嚴拏治罪能去邪歸正者則予以從寬如有出首者即量加獎賞務令萌蘖盡除陰翳全消風俗人心咸歸醇正其或仍前因循不能查禁事發之後該管官一併從重議處

所謂邪教者非指世俗尋常僧道之流而言也慎毋錯

會或致紛擾多事即此查禁邪教亦毋得張大聲勢以駭衆聽惟當留心密訪設法緝獲祇將為首者重懲其餘被誘惑者槩不深究如此方合朕意假若不肖有司借此恐嚇平民波及無辜則不特無益而反有害也爾其仰體朕心飭諭屬員徐徐為之可也又諭

雍正二年九月二十八日江西巡撫臣裴率度謹奏竊臣標千總齋摺回省跪讀

硃批諭旨革除里長嚴禁邪教二件臣查里長累民自

臣上年到任通行革除勒石永禁隨奉

皇上頒發

聖訓益嚴加申飭欽遵在案現在行滾單之法令花戶

自封投櫃其近城市而淳良者易於徵收官民兩

便其村莊甚是畸零小戶從不入城者自願公舉一人

輪催交納聽從民便其中抗頑拖欠者按名查比

不致干累輪催之人臣時加察訪如有陽奉陰違

仍有里長暗行滋擾輕則隨事究處重即據實

題叅至於邪教臣凜遵密訪果有夜聚曉散踪跡詭
秘者立即嚴拏為首之人治罪斷不敢仍前因循
其餘被誘愚民去邪歸正者從寬免究有能出首
者量加獎賞恪遵

諭旨不敢張大聲勢以駭衆聽再查江省醫卜星相一
應術士多於他省遂有流棍假託地師風水煽惑
尤甚雖非邪教亦易藏奸臣不時嚴查懲治以除
奸匪以厚風俗謹此遵

旨覆

奏恭繳

上諭二道謹

奏

甚屬可嘉足見實心任事

同日又

奏本年九月初八日督臣查弼納抵江西省城同臣
赴布政司庫內查照各項逐一盤驗清楚惟

題請打造舩船動支庫銀三萬兩一案未准施行現
存木料變價歸庫其餘並無虧空次日即訂督臣
驗看撫標弁兵操演弓馬試放鎗礮又傳集有棚
民緊要州縣各員公同驗看應留應調細加斟酌
又將通省倉庫營伍塘汛驛站馬匹以及官弁優
劣一切要務俱經公驗公商督臣既極練達又極
和衷再三商酌務期妥協彼此愜心仰體
皇上至聖至明以實心行實政之

盛意事無巨細必徹底澄清實力報効幸督臣意見俱
與臣符合相見之後更極相信除棚民一案已經
會

題外合將督臣來省會商情節據實奏

聞謹

奏

覽和衷二字朕甚嘉悅如此方是同寅協恭事君之道
同日又

奏竊照江西地方因六月少雨臣率屬虔禱已於

奏報早禾摺內聲明跪讀

硃批

皇上預信前摺齋奏之後即得甘霖

此理朕信得及亦賴爾等封疆大吏實心實政有以感
帝心所動感應如響果於六月二十九日下午即得大

天心也

雨以後連次得雨各屬霑足其晚禾收成分數市
賣米價行據布政司詳報各府屬約收俱有七八
九分不等米價每倉石自七錢六七分至八錢八

九分不等惟南康九江二府屬得雨稍遲約收六七分米價每倉石九錢二三分至一兩不等再南昌府佈種

御稻二十畝收晚穀三十八石相應一併

奏報再查江西雖獲豐收人心歡慶但因江南浙江風潮傷損搬運者多是以米價未減恐冬春之交青黃不接米價勢必漸增臣查上年採買米石現存六萬一千石若米價騰貴或於本地平糶存價

俟明年收成買補亦易措辦或有江浙採買之官
照上年安徽原價兌糶之例既濟江浙又平米價
一轉移間於

國帑民食均有裨益矣伏乞

皇上睿鑒

指示遵行謹

奏

已有諭矣

同日又

奏竊臣查地方諸務隨時修舉原屬常分不應冒瀆
聖聰仰惟我

皇上宵衣旰食勵精圖治臣雖竭盡駑駘悉心展布惟
恐未當謹將現行數件條列陳之

一通省已叅之虧空統計連外省咨回各案約三十
萬兩內除有著現在審追外其中人亡產盡無
可著追者十二萬餘兩臣與督臣再三籌畫

國帑緊要豈容虛懸查晉省提解耗羨一時權宜誠
為良法但因地制宜各有不同江省火耗每年不
過十五萬兩分給各屬已無餘剩此外別無所出
惟有將現在節省浮費公同竭力捐補恪遵

諭旨務於三年內補完無著之項不敢絲毫捏飾派累

也

此兩項虧缺每年約得十餘萬兩方可於三年之內補
一通省州縣未叅之虧空臣到任時即令據實陳
足據奏悉於節省浮費中出將大縣浮費各數於便中
明或因公那墊或接受民欠或歷任流抵通省共

奏聞

虧四十餘縣約十餘萬兩難以槩叅臣飭將通省一應交際浮費每年約有十萬兩盡行革除就此中所省各填補本身虧空解司轉報查年餘以來已補十分之七八俟補足之日即以此有餘接補已叅之無著者亦易易矣

一積貯倉穀查江西通省額貯一百十五萬石從前半多折價兼有借欠并虧價之處臣屢經嚴查將價封貯不足者勒令賠補一面追比舊欠一面

委員買補年餘以來已實貯穀八十餘萬石現在

買補還倉陸續報到者將二十萬石所缺不過十

知道

餘萬石稍寬時日便可足數

甚好

一驛站馬匹已委驛道親往各處查驗足額臚壯
堪應差使其餘一切人等不許私乘一騎如有騷
擾濫給等弊定即據叅已經督臣驗看烙印

一營伍操演臣時加獎勵訓練按月合操撫標及
留心整飭不可少忽
亟當
索九二協一應旗幟火藥器械烏鎗礮位俱捐貲

整備亦經督臣驗看如式

一江西塘汛臣到任後通查酌添一應水陸塘房
好實力行之
墩臺俱重新修建添設巡兵加意整飭

一遵行社倉因地制宜臣於省城倡建倉房一所
徐徐為之母致強勒
量力隨願現捐穀一萬餘石名曰節備倉至各屬

州縣亦俱照設勸捐現在或數百石至千餘石不
等三年之中可有成效

一棚民編甲既定稽查肅清現在地方寧謐人民

是

安堵至土著之戶亦遵通飭清編統歸歲底彙冊

造報

善政也

一豫章書院延師課士育嬰堂收養遺嬰臣俱捐
貲教養江西風俗多溺嬰孩亦經通行嚴禁

以上各條均關緊要恐有未當之處伏乞

皇上睿鑒

天恩指示遵行謹

奏

所奏俱悉

雍正二年十月二十八日江西巡撫臣裴率度謹
奏竊臣叨任封疆沐

恩深重未得仰覲

天顏前兩次恭請

陞見奉

硃批諭旨目今暫且不必至秋冬之際再行奏請朕意
大約定於明春着爾來京欽此臣惟有冰兢夙夜竭

盡駑駘以期無負委任至意今仰賴

皇上福庇地方寧靜年歲豐盈現在正當

大計確核錢糧倉庫以及緊要案件冊籍并遵

旨運米浙省平糶已經

題報開運日期陸續趕運齊完伏乞

皇上准臣於封印後起身來京跪聆

聖訓庶幾微臣戀

主積誠藉以稍慰并得親承

指授知所遵循於地方更有裨益矣為此繕摺請

旨伏候

批示遵行謹

奏

封印後來則元日在途中矣開印之期又不及回任況
張楷朕欲用於別省今歲竟不必來姑且候旨卿自巡
撫江右以來甚愜朕意即來京朕亦無多面諭之處遵
旨可也

雍正三年二月二十六日江西巡撫臣裴率度謹
奏江西省昨冬十二月連得大雪本年正二月雨澤
頻沛菜麥茂盛新秧及時栽插可望有收內河小
港俱慶利濟米價亦與昨冬相等人民歡欣感戴
皇恩浩蕩二月初七日吏部尚書朱軾由浙江過江西
省城臣率同司道文武各官出郊跪請

聖安朱軾到家隨有摺子交臣轉

奏理合一併恭齎奏

聞謹

奏

知道了朱軾若已起程將此字交與伊母看畢令其隨便寄與朱軾

同日又

奏竊九江關稅務於本年正月十六日一年期滿據委員南康府知府張景良報抽稅銀除正額照數按季解交戶部外所得贏餘銀六萬七千八百一

兩九錢零因係移關之始商旅穩便聞風輻輳故
比昨年所得增多據實儘解繕具批文齎解戶部

交送

內庫為此奏

聞謹

奏

此項之盈絀惟看天年豐歉何如不可為例但祇據實
為是耳

同日又

奏為備陳封禁山情形伏乞

睿鑒事竊臣准督臣查弼納抄送請開封禁山摺稿奉諭旨會同臣與鎮臣酌議又布政使常德壽到任口傳諭旨著臣查明果有窩盜即行清理無則據實具奏欽此臣身任封疆敢不悉心籌畫據實陳

奏查廣信府有銅塘山相傳產銅故名銅塘然有名無實誘衆聚匪擾累地方故自明代至今歷來封

禁又名封禁山順治十年有獻議採木者郡縣力
陳不便前督撫臣會同題明永行禁止勒之碑石
臣查弼納摺

奏情由蓋因棚匪為害有鑒於萬載寧州二案疑此
輩必有巢穴相傳封禁山舊為盜藪或即於此內
藏聚務在破巢擣穴計慮誠周但萬載寧州離廣
信封禁山甚遠兩不相涉流匪偶然烏合原無穴
巢也若以封禁山內有沃土可以藏奸此尤傳聞

之誤此中封禁日久樹木充塞毒蟲滋藏無可容身之地正為弭盜而封禁並非有梗化頑民盤踞在內自耕自食也臣到江西聞有封禁山之名即備查細訪此山開則擾累禁則安寧歷有成案確鑿可據五十九年鉛山縣有匪類擾害即時擒獲因恐有餘黨逃竄其中彼時叅將卓爾壇率同兵目徐天麟等百人曾進封禁山內搜查二十餘日並無藏匿臣與鎮臣會商密調搜過此山之徐天

麟到省面問情形與前訪聞無異但恐年久禁弛
現在密諭地方文武再行細查并遣人入山周圍
察看俟覆到之日容臣與督臣確商繪圖會摺具
奏外合將封禁山始末情形先據實奏

聞謹

奏

當開則不得因循當禁則不宜依違但不存貪功圖利
之念實心為地方興利除弊何事不可為也全在卿等

秉公相度時宜而酌定之

雍正三年六月二十日江西巡撫臣裴率度謹

奏為奏

聞事竊江西省自春徂夏風雨調和今值早禾收成之
候臣行據布政司查報通省各府州縣收成俱有
七八九分不等米價每倉石自八錢六七分至九
錢四五分一兩不等再南昌府佈種

御稻二十畝早收得穀五十石相應一併

奏報但查

御稻試種自康熙五十六年起向租民田照收償還原
係紅色三年後漸變白色與本地穀無異土性非
宜所收漸減似可無庸再種應否停止合據實具
奏二麥種者甚少約收七八分一併奏

聞謹

奏

原係試種既無大益即行停止可也

同日又

奏竊惟積貯莫便於社倉而勸輸設法尤在於牧令
捐輸多而成效速者即以覘其化導有方才具出
衆一年以來查通省陸續報捐穀已有十萬石其
中如鄱陽縣知縣李汝霖勸捐過一萬三百餘石
寧都縣知縣李治國勸捐過一萬一千餘石捐輸
之多成效之速此二縣為最裨益地方莫善於此
五月十二日南安府南康縣芙蓉鄉因蛟水陡發

朕亦聞之

沙淤山田約二頃有餘衝損草房五六家被淹老
幼七口即發社穀賑給以貲本開挑及時補種不
致成災力不費而救濟速此明驗也再臣愚見社
倉原聽民便無庸報部庶民間收放不致觀
望掣肘矣為此繕摺奏

聞謹

奏

如果實係開導勸諭不加強逼而捐輸者當具疏題奏

朕賜以議叙以鼓勵直省州縣等官

嗣後奏摺不必一摺一封套兩三摺併封可也請安摺應如舊奏事摺面宜用素紙綾絹殊為可惜

同日又

奏為恭謝

天恩兼陳愚悃伏候

睿裁事竊臣接准部文奉到

上諭臣遵查蕭義宗履歷兩任同知陞授南安知府已

十三年素不認識臣到任即聞其居官謹慎聲名
好及後明察暗訪或南安小府易於見長因委署
吉安府數月其操守辦事益加勉勵

計典合例司道公薦據詳卓異豈料該員係總督蔡
毓榮家人之子臣欽奉

諭旨感愧無地臣與通省司道俱被其隱瞞誤薦咎復
何辭幸蒙

聖恩浩蕩宥臣不知從寬發回原任此誠我

皇上天高地厚之恩但蕭義宗雖經開戶終屬出身微賤且不據實

奏明居心可知

皇上或垂念該員履任尚優姑免其罪仍斥其官則在蕭義宗既感沐

殊恩之寬宥而官方亦得以整飭矣應否繕疏

題叅伏候

皇上批示遵行謹

奏

題叅在爾似屬得體朕仍予以從寬也將不據實奏明
居心可知之句不必叙入本內當令伊深知朕恩勉力
做好官假若因無陞遷之階懈怠自棄再行嚴叅加以
重處朕只欲南安一府子民得受實惠何必拘執耶

雍正三年九月二十六日江西巡撫臣裴率度謹
奏竊江西省仰賴

皇上福庇地方寧謐但弭盜安民尤須加意整飭臣查

各屬形勢惟鄱湖最為險要地又空曠巡防查緝
全賴塘汛臣到任後添蓋塘房撥兵防守而塘房
隨水遷移水口隨修隨壞究非長策因又造巡船
八隻不時巡查但恐湖面廣濶巡查難周塘房或
有應添應改之處必得親身查勘方能備悉情形
臣擬於冬底封印之後親往鄱湖周圍察看聞湖
內有山可否添設塘汛務求一勞永逸之法并順
便查看九江大姑塘關口一應收放事宜庶委員

益加謹飭免致日久弊生也臣未敢擅便伏乞

天恩批示遵行再督糧道副使李蘭出京時面奉

訓旨欽遵繕摺交臣轉

奏合併恭齋謹

奏

鄱湖塘汛應親歷詳審查勘者知道了再爾所奏稍寬
接徵處分一摺甚為有理留發部議

同日又

奏竊臣接准浙江署巡撫事按察使臣甘國奎密札
內開温州范子盛等邪教惑民供出首惡王文治
等住居閩省恐隣省江西亦有其類等情先經

奏明欽奉

硃批着甘國奎密以相聞到臣欽此臣接密札一面訪
查一面遣人到浙抄錄案情九月初六日准浙省
抄咨全案細閱前後供情所指邪教起於閩省惑
於浙省並未煽惑江西亦無干連逃匿之犯臣於

境內仍留心稽察設有此類務即嚴處現在並無
邪教恐厯

聖懷合行

奏明謹

奏

此等處切毋存將小事化無事之心以不究為安靜凡
人立身行已尚有無因惡小而為之之戒況平治天下
國家豈可因事小而忽畧之乎當再三留心密訪勿使

漏脫閩浙二省已皆奏報擒獲矣

雍正三年十一月初八日江西巡撫臣裴率度謹
奏竊臣查臨江府知府胡期頤前因揭清江縣魯宗
懋虧空致宗懋以勒詐互揭

題叅一案奉

旨留任所揭勒詐審係捏誣惟揭娶妓是實業經具

題聽候部議在案但臣見胡期頤雖辦事能幹而舉
止稍輕是以留心細訪其從前居官行事聞在山

西知縣任內曾與巡撫蘇克濟家人趙七夤緣趨奉復與伊兄胡期恒同往年羹堯處串通作弊投拜門生且又宿娼淫蕩種種不堪雖訪聞之言未必皆實然亦必非全虛似此心術人品雖有才具行止不端實玷官箴仰請

皇上特旨斥退或容臣另疏

題叅臣未敢擅便伏乞

聖恩批示遵行謹

奏

前於本內朕已看出業有旨矣如此據實甚合朕意朕殊嘉之

同日又

奏竊布政使常德壽奉

旨調補雲南著乘驛速往臣欽遵暫接交代該司已於十一月初一日起身業經

題報在案臣查正項錢糧俱各清楚惟各項細款必

分析造冊方無舛錯該司起身匆迫細冊不及全
造如欲逐細盤查勢須稽留時日若先令起身補
給印結該司又不放心是以一面出給印結一面
將各庫項查點封貯俟新司到日再行逐細盤查
脩造欸冊報部現在收放緊要事件臣照常辦理
合將常德壽遵

旨乘驛赴滇并庫項交代給結緣由據實

奏明再常德壽為人和平辦事勤敏在任八月恪謹

無悞合并奏

聞謹

奏

常德壽朕所深知者也陳安策據朕觀之似外君子而內小人當留意密訪其人甚不妥當

雍正三年十二月十八日江西巡撫臣裴率度謹

奏竊江省從前虧空各案內有十二萬餘兩無可着
直省類斯等項名之曰無著耳如果追究根源豈有無
追議以節省規禮公補經臣

著之理如此補苴將前任人員姑寬一步與國家錢糧
奏明在案隨行布政司通飭遵照於起解錢糧時帶

亦為有益之舉料理甚好
解收貯一年以來各屬急公効力陸續完解銀八

萬兩臣三年節省司庫平規補銀一萬兩布政使

陳安策捐銀六千兩饒九道劉均捐銀二千兩贛

南道王世繩捐銀二千兩驛鹽道孫蘭苾捐銀二

萬兩通共節省捐貯銀十二萬兩堪以撥補無著

之項現在飭司查明各案挨次分析造冊具報統

於

奏銷前報部查銷歸結一併繕摺另

奏臣惟有加意節省儘力圖報務期實有成效不敢

卿

之

謹

慎

實

心

任

事

朕

皆

悉

知

勉

為

之

緣飾虛名再驛鹽道孫蘭苾尤為効力遇有公事

踴躍願捐如修建社倉收貯社穀前後捐過五千
餘兩實屬急公仰懇

皇上優獎以示鼓勵謹此奏

聞伏乞

睿鑒謹

奏

朕初即位時聞孫蘭必聲名好後漸聞人多有言其不安者且論伊任河南府時甚屬平常昨費金吾面奏朕云孫蘭必浮躁任性操守中平等語朕所以不能定此人之優劣爾其據實奏聞若居官果好朕自當示以獎勵若徒以其捐助之多而優加褒獎恐衆人皆趨尚此風殊非善事也

同日又

奏竊查贛關稅務於本年十月十一日一年期滿據
委員贛南道王世繩報抽稅銀除正項額課遵例
咨部充餉外所得贏餘銀三萬二千七百八十餘
兩現在繕具文批起解戶部轉交

內庫為此具摺奏

聞謹

奏

知道了雖交內庫朕亦無私費處也久之天下人自必

洞悉

同日又

奏為遵

旨據實陳明事奉

上諭副將以下遊擊以上未見過者輪流來京引見等
因欽此臣查有袁州協副將周開捷一員未經引
見合行起送該員漢仗弓馬俱屬可觀至其操守及整
飭營伍之處自五月到任以來頗稱勤慎在陝西

四川多年屢次出兵軍務營伍亦頗熟練但到江西未久尚不能深知

天顏照臨之下自邀

聖明洞察理合據實陳明伏乞

皇上睿鑒謹

奏

聞此人甚好迥逾尋常今已用為總兵矣

雍正四年三月十三日江西巡撫臣裴率度謹

奏竊臣因鄱湖塘汎并關口情形恐未周悉先經
奏明親勘在案臣於正月初十日自省城起身二十
四日回署勘得沿湖塘汎俱各修整但水勢時退
時長塘汎俱在老岸山脚難以更移惟五六塘離
水太遠者水退即於沙洲添蓋草房數間汎兵移
住防守有益商民所費不過數金水長棄之仍還
本處嚴飭巡船不時巡查弭盜安民可以有備無
患至關口事宜臣親自收放二次遍詢輿情如有

不便及舊弊未除許即呈訴俱各稱便並無異詞
其大姑塘口岸一帶客船停泊之處亦俱安穩水
大泊入內港水淺沿江可泊收放甚便合將臣親
勘塘汛關口情形據實奏

聞謹

奏

據奏商民稱便甚好但稅關之事最難辦理得中切毋
過於信人須廣布耳目不時訪察

同日又

奏竊江西省地方荷蒙

皇上福庇四境寧謐入春雨澤霑足早禾滋長漕運利
涉稍嫌春霖過多恐交夏少雨幸米價尚平目下
亦已晴霽從此雨暘時若斯農田稱慶矣合行

奏明謹

奏

知道了

題奏書院一事當先具摺請旨率然具題大不合矣即
廣西李紱之題請亦係先經摺奏奉旨然後具題也
劉允公之案雖結緝捕之限不可虛應故事當懸賞設
法時刻留心密訪務以擒獲為期

同日又

奏竊臣到任之始即聞九江南康二府有古河二道
可避鄱湖之險隨飭地方官查勘回稱九江之河
中有三十里山嶺阻隔南康之河俱係浮沙二處

皆難開濬臣因未經親勘不敢冒昧布政使陳安

策引

陳安策亦不過塞責之奏何足為準

見回任備言此河已經奏

聞蒙

皇上傳諭著臣商議臣於正月初十日親勘塘汎即一路相視地形水勢南康之河從王湖壠四十里至五福港口兩頭皆高中係民田內有廖家池乃廬山積水四面不通臣親勘兩頭俱係沙洲皆長七

八里水退洲現不能立岸即開浚成河一經水漲
即蕩為平沙仍屬無益九江之河臣從府城外江
邊龍開河沿河陸路勘至藍橋五十里皆小溪自
藍橋至黃老門以上二十五里皆係山阜隔斷並
無河道且用水平測量地形甚高恐下有石根阻
隔難以開鑿所有勘過兩河情形臣謹據實繕摺
并繪圖奏

聞伏乞

皇上睿鑒謹

奏

誠如此何可開濬天下事無強為之理也

同日又

奏竊臣於奏明公補虧空摺內驛鹽道孫蘭必捐數
較多仰懇

皇上天恩優獎奉有

硃批諭旨聞該員聲名不好著臣據實另奏欽此臣與

孫蘭必素不相識從前居官如何之處不能深知
自臣到任以來見其氣質用事性情稍急殊欠涵
養言語又多率直是以不滿人意其居官才具操
守雖非出衆尚屬謹飭遇事勇為急公効力不辭
艱難其存心辦事猶可取也臣思全才難得姑取
其所長戒其所短冒昧陳

奏不勝惶恐謹將該員居官為人之處據實奏

聞謹

奏

此奏甚公朕尚欲調來看驗其人將伊之効力處具本題來可也

雍正四年四月初四日戶部侍郎仍辦理江西巡撫事務臣裴率度謹

奏竊臣接准部咨欽奉

上諭特授臣戶部侍郎仍辦理巡撫事務聞

命之下不勝感愧謹繕疏恭

謝在案伏念臣忝任封疆祇懼弗勝荷蒙

天恩優渥尤增戰慄臣材識短淺夙夜竭蹶末由報稱

仰懇我

皇上時加

教訓得以遵守庶免隕越也為此繕摺恭謝

天恩謹

奏

覽奏謝知道了卿等若肯實心求治君臣同心視如一

體遇事彼此商酌朕無有不推誠指訓之理假若沽名釣譽不論時勢之可否不體朕躬之難易似此者又當別論耳卿為撫臣中之優者勉為之但不可柔軟以寬縱屬員姑息以邀取衆譽此固書生之常態乃朕預防之諭也切宜留神

同日又

奏為請嚴交盤措勒之積習以清民欠以實庫帑事
竊錢糧關係重大交盤務須清查無如州縣積習

每於到任之初惟恐前任民欠難追即作虧空揭報府司恐蹈抑勒亦即據揭轉詳及至批查旋又報稱無虧懇請免叅者有之或稱尚在盤查請叅交代遲延者有之若接任者係奸猾之員並不清查實在無論久近不問多寡凡有尾欠之項一槩捏作虧空揭報更有知府或因民欠難清或因別事將發亦不清查先行詳揭其意不過豫留地步謂揭報在先得以推諉卸責耳臣再四思維若既

揭緩叅即涉抑勒若有揭即叅又恐寃誣且一經叅出新官竟置不問花戶觀望不前直至審明

題結雖經新官認徵欠戶延挨已久以為已入虧案乘機刁抗遂至月積歲累陳陳相因將有追易完之民欠釀成年遠難清之虧案殊非實心辦事之法臣愚以凡州縣交代與知府盤查果有侵那虧空務須查明確數通詳揭報批司徹底清查核明實在虧項然後轉詳即行

題叅如有將分年分款實在民欠有追之項並不查
明混稱虧空揭報及故意遲延諉卸者即將捏揭
之州縣與率轉之府司一併糾叅如此則新任交
代不敢恣意混揭府司亦不敢率轉卸責庶接徵
盡力民欠易清庫帑實有裨益矣臣不揣冒昧據
實奏

聞伏乞

皇上指示遵行謹

奏

此奏爾幸止具摺若冒昧具本題奏朕大怪爾矣李紱亦將此事具奏大槩相同經朕備悉訓諭矣著李紱密書與爾看

同日又

奏竊臣查社倉積貯欽遵

諭旨通省設法勸輸陸續報捐其中惟鄱陽縣李汝霖寧都縣李治國勸輸較多經臣

奏明奉有

諭旨臣一面行布政司確查實數造冊去後一面訪察俱係勸輸並無勒派現在該員奉

上諭引

見已經給咨起身一應錢糧倉庫交代俱各清楚社倉一項亦委兩該府逐倉查明實在確數出結遵

旨具題外臣查鄱陽寧都二縣在江省頗稱繁劇錢糧較多李汝霖既將新舊錢糧清理全完又能勸輸

社穀萬餘石實係能員但性急氣盛好與人爭論
李治國本任錢糧全完舊欠完至八九分社倉勸
輸萬餘石亦屬勤慎之員但書生習氣未免過於
拘謹各有所短臣不敢隱諱謹據實

奏明

睿照之下自能洞察也謹

奏

李汝霖尚未到李治國已到京引見實係可用之材朕

意欲超擢為知府也

雍正四年六月初四日戶部侍郎仍辦理江西巡撫事務臣裴率度謹

奏竊臣前回奏驛鹽道孫蘭必摺內奉

硃批諭旨將伊効力之處具本題來欽此臣行司查照無著虧空各案分析補清造冊正在飭司另詳核題間不意有九江府德安縣知縣蕭彬因該府李敬熙詳揭虧空蕭彬亦以勒索互揭知府并牽連孫

蘭必從前主使勒索等情是以該道効力之處未

便具

自應暫止爾前奏原在此事未出之先也
題止將通省補完各案細數清冊報部查銷理合

奏明至蕭彬揭告一案臣已會同督臣

題叅候

旨立案但查蕭彬所揭倒提日期牽混他事不無反噬

誣捏希圖遷延情弊難逃
朕從不作如此逆億之想

聖明洞鑒統聽審明之日如道府果有勒索按律治罪

如係反噬誣捏應請立置重法庶綱紀嚴肅而刁
險知所儆戒矣合併陳明伏乞

皇上睿鑒謹

奏

凡事不可預定成見預定即屬私意反噬誣捏豈可預
言其必然但秉公審理自得其實朕料此事孫蘭必難
保潔清無染若因曾保薦而袒護之則反累及汝也使
此揭告一一俱實朕不責汝何也即汝親子何能保其

必不汝欺惟於覺後不徇庇不文飾則無過矣朕生平
不罪改過之人朕虛公之念爾當領悉

同日又

奏竊江省五月內大雨連日江水驟漲旋幸晴霽水
亦退落田禾茂盛無損惟贛州府贛縣長興鄉沿
山一帶山水陡發衝去草房十一家淹溺男婦大
小十五口臣隨飛飭地方官加意賑恤又遣員查
勘被淹田地僅止二畝已補種雜糧不致成災也

再查南贛與閩粵接壤據南安營叅將許大學稟
事原有之但傳聞差訛范宗堯李杕可笑之極非如爾
報探得廣東省城因買米嚷鬧三月三十四月初
所聞也

一二等日百姓罷市鬧至巡撫署內中軍范遊擊

往請將軍壓服總督亦到省安慰等語又據贛州

知府孔傳燾報稱汀州府饑民於四月盡五月初
閩廣二省少遇歉年每有此風甚屬不法朕正為此籌

畫

間在永定縣搶奪穀船及行戶糧食打破房屋躡

死民人紛紛傳聞贛境接壤閩粵兩省運去米穀

甚多以致地方米缺價貴每石一兩四五錢等語

臣一面飛飭該府屬速將積穀平糶濟困一面飛飭文武各官於接壤兩省處所加意整飭多方戒備毋致滋擾地方再查吉安建昌等府米價亦貴每石一兩三四錢不等俟早穀收穫方能平減理合據實奏

聞伏乞

皇上睿鑒謹

奏

據閩省奏聞爾江西遇糴朕甚不取是何理耶朕已有旨矣部文到日速為奉行毋稍玩延遲悞

同日又

奏竊臣前奏地方雨水情形摺內跪讀

硃批諭旨劉允公當懸賞設法時刻留心密訪務須拏獲欽此臣一面出示懸賞五百兩於所屬境內無論文武軍民人等嚴緝務獲一面又差兵役在閩廣浙楚隣省四路躡緝務設法拘擒不致漏網再臣

奏交盤民欠一摺奉

諭旨轉傳知直隸督臣李紱著密書

諭旨與臣看臣跪接開讀仰見我

朕所降諭旨李紱尚未能盡述明白

皇上聖明天縱指示確當惟有欽遵祇領實力奉行又

於謝

恩摺內蒙

硃批諄切委曲開導推誠置腹不禁感激泣下臣膽小
心欲小膽欲大不然無益——果能嚴以約身係極妙之
約身最嚴矜持太過不敢絲毫妄為亦無絲毫瞻

事但不必過於矜持耳
顧惟有殫心竭力仰報

天恩於萬一耳謹

奏

知道了

雍正四年七月初三日江西巡撫今陞都察院左
都御史臣裴率度謹

奏竊臣接准部咨欽奉

諭旨補授臣都察院左都御史聞

命悚惶感愧交集謹繕疏恭謝

天恩在案伏念臣猥以謏陋疊蒙我

皇上逾格擢用臣何人斯邀此

殊恩五中戰慄雖捐糜頂踵豈足云報謹遵

旨俟新撫臣汪澂到江西臣即起身來京竊臣先經屢

請

陞見未邀

俞允今幸得覲

天顏微臣戀

主積忱庶幾稍慰矣為此先摺奏

謝伏乞

皇上睿鑒謹

奏

知道了將爾任內民欠清楚之後再行赴京已有旨矣

同日又

奏為奏

聞事竊照江省五月中旬六月初旬雨水稍多江潮驟
長然江省沙地頗為相宜早禾豐收惟瀕湖低窪
之處間有被淹者水退即種晚禾矣今據布政使
丁士一查報各府屬早禾收成俱有七八九分不
等惟德化一縣瀕江收成約六七分現在米價南
昌等十府屬每倉石自八錢七八分至九錢四五
分一兩不等贛州吉安建昌三府界聯閩廣二省
商販搬運者多每倉石自一兩一二錢至一兩三

四錢不等目下新穀初登市價漸減至江省種麥之地僅十之二三二麥收成亦有八九分民生安業共樂昇平為此謹

奏

覽收成數米價情形深慰朕懷

硃批諭旨卷十五